


北京圖書館出版社

福建師範大學圖書館藏
稀見方志叢刊



方寶川
陳旭東◎主編

福建師範大學圖書館藏
稀見方志叢刊

方寶川

陳旭東◎主編

10

北京圖書館出版社

同安縣志序



閩之勝在泉，自府治而外
其勝在同余嘗以公事歷銀
城抵鷺島土風殊厚猶見
紫陽治道之遺焉第古今治不

易民而地必易治求其質古
今之異以審其同使人情土
俗瞭如指掌則非按志而考
不為功同自萬曆壬子而後
志之需輯也亟矣而一官傳

舍莫有留心者楚南
朱君假令是邑凡所設施皆有可
觀余方樂與共事以為庶幾
治可駸々進古也乃任事未
幾忽請歸養邑人士深以為

悵而尤德其於斯人惓、致
意也。甫陳
上憲留輯志書纂修既就徵余
言弁其首同為衆屬邑是書
之成余亦與有責焉寧能以

不文辭耶夫 朱君來此季
餘耳而修
文公祠建高士軒葺城樓治監
舍諸大事悉次第脩舉而卒
不傷其廉潔之譽今束裝就

道猶殷々為此不倦使長民
者盡若朱君斯亦可無負
聖天子慎選民牧之意乎後之人
試取是書而讀之人情土俗
雖足不出戶當必有如登三

秀躋天馬陟鴻漸蓮花諸峰
憑眺金廈二島手劈丹荔口
嚼江瑤與許順之林次崖講
學許鍾斗論制義洪芳洲說
詩文蔡元履談經濟丘鈞磯

黃文詔嘯烟霞而共樂此土
風之厚者考古酌今因今復
古則

紫陽舊治之長存于斯邑又不
獨朱君能紹其家學也已

昔康熙五十二年癸巳秋日
賜進士出身中憲大夫知泉州府
事古鄆劉侃題

李古輝隆別墅

顯懿士出良中憲大夫映泉氏族

昔年照五十二年癸丑年日

大同志序

世之論志者曰古者內史
掌八柄之法外史掌四
方之志州縣志書是即

古列國之史而尼山筆削
涑水紮陽所授以論衡
者也典秦重哉然吾以為
其說猶未盡也夫吾人求

志深山足不窺戶一行
作吏膺任於千里外
山川風土語言嗜好憂
憂其不相入斯時也雖

有奏刀之技必講求無憾
而後發而時事更易又有
不可知者則韋注察來
非志不為功昔吾

考亭夫子之守南康也下
車首詢郡志覘風俗以
施教令大儒舉動洵不
類尋常哉同於閩為